

太上洞淵神呪經卷之五

始五

太上洞淵神呪經卷之五

始五

禁鬼品

道言吾在杜陽宮中爲諸王女說大驅經導  
化衆生爾時中國有真人唐平來告曰比來  
死亡狼籍不審自今以去何年瘡也太上曰  
自今以去到戊寅年壬午之歲疫鬼殺惡人  
至甲午年乃瘡耳至癸未之歲疫氣流行國  
中刀兵父子君臣自共相害人民多惡不信  
大法奉受三洞者悉是天上來也非世間生  
也

道言自今以去若有道士受此三洞經力行  
化求道遵奉三尊救度愚人者我亦遣十方  
天丁三十六天力士覆護法師所治之處為  
禁疫鬼不去者令力士次次斬之矣

道言自今以去若有男女疫病聞此法師轉

始五

經之時一心靜聽合門信敬中外殛殛一切  
邪精山林社祀寒竈熱竈宅中萬劫悉令自  
伏若有不瘥動亂生人家親者天丁力士四  
梵天王合來誅之我今勅下魔王令禁疫鬼  
子等但好化人受持此經甲申垂至大災不

久道士努力救度百姓焉三天大魔王一合  
來下自誓曰自今以去若有道士救人經行  
之處若疫鬼敢行兇心病痛急疾令萬姓官  
事苦劇者我自誓願頭破作十八分矣道士  
化人我亦助之有疾病亦佐治之有口舌官  
事之者當為迴化之耳

道言自今至辛巳年必有疫鬼行害萬民萬  
民死盡奈何奈何世人不信道法有三洞妙  
經經法流布福力昇天天人來助之然而得  
免愚人頑心不欲受之甲申之災水來沒之

已死之後悔無及也惡人轉多天遣八億萬  
赤殺大鬼行疫氣誅之至壬午之年天下洪  
波鬼兵來誅殺惡人道士救之天人自護為  
禁百鬼耳

道言甲子旬年中有八千赤疫鬼有三萬九

始五

二

千來殺人人有知者時得明能道士受此三  
洞之人為其轉經疫鬼自然禁絕鬼王名曰  
憂連身長三丈七尺手捉赤索入人宅中令  
人口舌鬪爭自今以去有法師經行之處當

為禁之耳

道言甲戌之年有三十二種病病殺惡人自  
今以去法師轉經之者三天大魔王自來禁  
之令不殺人甲申之年有七十萬惡鬼來殺  
人若時得法師救者天人悉來佐道士禁疫  
鬼矣

道言甲午之歲有八十種疫鬼來殺惡人惡  
人不信大法壞我道士道士不化之甲辰甲  
寅年有三十六萬疫鬼來殺惡人惡人多故  
天遣力士來下誅之道士急行化愚人愚人  
不信此爲大迷迷人不悟矣柰何自今以去

若有痲病官事之處我當遣三天魔王十方  
主者來下誅之及轉此三洞之地療救之家  
逐鬼禁之矣

道言中玄者太上於此說經已在八景宮中  
九合之室端坐思惟何國苦樂劫數近遠衆

始五

三

生悠悠何所趣向也三災垂及愚人不覺自  
共相欺枉濫誹謗不用真言不遵有德見人  
作善反更笑之當入地獄火車劍樹此痛難  
忍伏之如何自作自任無人代之吾今通變  
視見一切豈不遵之乃為衆生集大法師三

洞道士十方仙人諸天官屬八方大魔魔王  
男女禁戒神呪恐世人枉死大水將至無有  
知之勅魔鬼王令不枉萬姓教化愚人使受  
此經經中之王神化神呪凡有四卷太上爲  
將來濁亂故演說之若世有緣得見此經此  
經消災受之不在災中天人來迎得見真君  
矣

道言上清無量三昧令人昇仙神化神呪伏  
一切魔道士受之山林人間不畏驅除受此  
二十卷亦可不用餘經此經令人得仙速矣



坐中男女聞大歡喜各各求受惡共起曰不  
審此經受之如何供養法作何等唯願  
天尊具示誨示之我等亦當奉持若得知者  
可正供辦之耳

道言此經伏魔除一切災若有受者鬼兵不  
撓自然安穩若官事疾病久在困地彌月無  
救聞見此經其苦自解萬災自消矣若有受  
者仙人來侍奉師如日月愛經如珠玉先當  
祀太始五帝乃破契受之竟然後依教而傳  
有病之家道士為轉經轉經之時先作八符

置八方門戶之上乃為轉經行道之家內鬼  
外殍一切聞此神呪自然散滅善神助子萬  
福歸身護經力士自然祐人耳

道言大劫垂至水流九萬三災之交鬼兵驅  
除世人死盡吾今乘青龍將天人力士四十

始五

四

八萬人遮截疫鬼勅下魔王自來世間化度  
愚人令受此經受此經者仙人注簿得在玉  
曆之中脫免水厄九害之中汝等自今以去  
能得聞經受持之者吾遣天丁力士四十億  
萬人常來逐子耳

道言中國人今受此神呪經二十卷處處流  
行道士有受此經者無不昇仙也胡國亦持  
此經自今以去若有男女受持此經者十方  
大兵守經力士八億萬人當護經師受經之  
人終不橫死惡鬼不敢近也

道言今世濁亂人民多惡不信道法其中有  
一人聞見歡喜受持供養吾當遣甲卒力士  
十方赤騎四十九億萬人常逐汝身令汝聰  
明所願從心仕宦高遷百福自然得免三災  
九厄之中也

道言三運促近鬼兵縱橫大水浩浩子等知  
否太上恐一切衆生沒在其中可不悲哉奈  
何奈何世濁人僞各各導化勸誘衆生今出  
三途汝等道士若自受不誨人汝等死矣吾  
不虛言智士受之勸人令知之自今以去有  
受持者天人護始五助力士守門百惡五瘴炁不使  
撓人也

道言自今以去若有受此神化神呪經四卷  
者吾遣十方甲卒功曹使者仙人玉女赤車  
力士常當逐汝受經之人不令有惡大災之

時龍輦來迎子等受經之者不令枉死若有  
重病亦受此經若有官事亦受此經若男女  
不安亦受此經宅中不利亦受此經此經如  
藥能治萬病汝等道士信經受之若用吾言  
吾復何憂矣

道言吾今告下方鬼王自今以去世有病  
困危厄道士來救轉此經者汝等護之莫令  
枉濫也重勅司命都籍使者若轉此經之處  
病人應死者當為生之若名入石函死籍已  
定當為逐之若久病官事為其考責如吾之

教若不用吾言賊害良民者鬼王等斬之萬  
段身分千寸不怨汝等慎之慎之矣

道言末運之世世促人惡多不信道受經之  
人得免大災仙人玉女伺候水來若急之日  
龍輦來迎輦者縱廣八萬四千里如此之鑿

四十九萬輦來迎人時應上者不覺自上天  
下浩浩無處不水唯有受經之人乃得免耳  
道言中國男女於甲戌之年有信道受經入  
山精思不可稱數坐中大衆聞經歡喜悉合  
求受三十萬衆一時俱起繞太上七遍三禮

曰願受此契太上曰善哉善哉當爲汝等授  
之

道言五濁荒世人多橫死不以理皆不信道  
鬼兵驅除大災欲至愚人不知汝等若能受  
此經二十卷供養者大水來時仙人來迎不

始五

六

愁死也子等信吾言吾復何憂矣

道言自今以去受吾經契者令善神助之主  
人自然不令有惡汝等道士信之勸化一切  
使愚人得免三災若有受持此經不度三河  
者吾不名聖人不在世化也十方大神一切

惡鬼邪魔大王重禁勅之自今以去轉此經  
處百病自瘥官事解了受此經者萬願從心  
坐中大衆聞經歡喜各各受契行之矣  
道言汝等道士但受此神呪經二十卷亦令  
得仙耳何以故此經伏祛一切魔王善神守  
之若有受經之人先世有仙骨天上來下非  
世常人中國男女六夷來世亦有伏化之者  
吳蜀之國人多信道四方流離會者入山甲  
申壬辰凶運知之道士勤自相化化度一切  
若有親受此經者天人祐汝終不橫死矣



道言汝等雖受上清靈寶無量三昧經不受  
此經者不得仙也若不受此經不名道士不  
得救治萬病但受此經家中供養一切鬼伏  
生死蒙息道不虛言汝等信之坐中大小各  
各求之太上哀念一切悉受之戒之汝等受  
此經不得輕師不得慢經終身奉行思神念  
道後得昇仙九龍來迎大衆聞之心中踊躍  
悉各驚起稽首三禮

始五

七

道言汝等受此經當寫經卷立期靜室空舍  
之中靜處高座舉之月旦十五日燒香朝拜

十方并復朝師師去方所四拜拜之若師同  
住往而朝大衆得教各各三禮奉行矣

太上洞淵神呪經卷之五



